

歷世真仙體道通鑑卷之四十四

潛一

浮雲山聖壽萬年宮道士趙道一編修

盧生

盧生者唐敬宗寶曆中常販燒朴石灰往來於白湫南草市時時微露奇迹人不之測賈人趙元卿好事將從之遊乃頻市其貨設藥茗詐放其息利之術盧覺竟謂曰觀子意似不在所市意有何也趙乃言切知長者埋光隱德洞徹著龜顧垂一言盧笑曰今且驗子主人家午時有非常之禍也若是吾言當免君可告之將午有匠餅者負囊而至囊中有錢二千餘而必非意相干也可閉門戒妻李勿輕應對及午必極罵須盡家臨水避之若然則僅枉費三千一百錢爾時趙停於百姓張家即速歸語之張亦素神盧慎乃閉門伺欲午果有人來扣門求羅怒其不應因蹴其戶張重責捍之頃聚人數百張乃自後率妻孥迴避及午時許行去數百步忽蹶而死其妻至衆人具告其所為妻謂必遇張所誣其天死有司官不能評衆人言張閉門之故觀

者謂張曰汝固無罪可為辯其死張欣然從斷其妻乃言及市樓僦舉正當三千四百文因是人赴之如市盧生不耐煩潛至復州淮州於陸秀才莊門或語陸云盧山人非常人也陸乃謁盧陸時將入京投相知因請決疑盧曰君今年不可動憂且夕禍作君所居堂後有錢一甌覆以板非君有也今始三歲慎勿用一錢用必成禍能從戒乎陸欣然謝之及盧生去水波未定陸笑謂妻子曰盧生言者從吾更何求乎乃命家童獄其地未數尺果遇板徹之真有瓦散錢陸喜妻以相運紐草貫之將及一萬兒女忽哭切痛不可忍陸曰豈盧生言將微乎因奔馬追及且謝且戒盧怒曰君用之必禍骨肉與利輕重君其自度乃棹舟去不顧陸馳歸陸而陸馬見女器愈盧生至復常與數人開行途遇六七人盛服俱帶酒氣逆鼻盧怒叱之曰汝等所為不悛性命無幾其人悉羅拜塵中曰不敢不飯其侶訝之盧曰此盡劫江賊也趙元卿言盧生狀貌老少不常亦不常見其飲食嘗

語趙曰道者得隱形之術能不試二十年可易形名曰脫離後二十年名籍於地仙矣所為多奇事蓋神仙也

劉無名

劉無名成都人也本蜀先主之後居於蜀生而聰悟八九歲道士過其家見而嘆曰此兒若學道當長生神仙矣自是好道探玄不樂名利弱冠閱道德經學啣氣朝拜存真修煉之事常以庚申守三尸存神默呪服黃精白朮以希延生或見古方言草木之藥但愈疾微效見火輒為灰燼自不能固豈有延年之力哉乃涉經山川訪師求道數年入霧中山嘗遇異人教其服餌雄黃凡三十餘年入青城山北崖之下得一洞行數里忽覺平博殆非人世遇神仙居其間云青城真人劉祈叩不已願示道要以拯拔沈淪賜度生死之苦真人指以岩室便栖止其中復令齋心七日而示其陽爐陰鼎柔金煉化水玉之方伏水煉鉛成永髓之訣謂之曰胡剛子陰長生皆得此道亦名金液九變神丹之經丹分三品

以鉛為君以汞為臣八石為使黃芽為用君臣相得運火功全七日為輕水二七日變紫粉三七日五彩具內赤上黃狀如曉慶復運大二年日周六百再經四時重履長至初則十月離其胞胎已成初品即能乾汞成銀丸

而服之可以驅疾二年之外服者延年益壽髮白反黑三年後服之乃主蕭散名山周遊四海初品地仙服之半劑變化萬端坐在立亡駕馭飛龍白日昇天大都此藥經十六節已為中品便能使入長生樂成之日五金八

石黃芽諸物與君臣二藥不相離亂矣千日功畢名上品還丹謹而藏之勿示非人世有其人視形氣功行合道者而傳之劉受丹訣還於霧中山築室修煉三年乃成唐玄宗開成三年猶在蜀自述無名傳以示後人入青城山中不知所終

李終南

李德裕好餌雄朱有道士自云李終南住羅浮山曰相公可服丹砂丸大但促壽耳僕中出小玉象子如拳許大曰要求勾漏瑩者致

象鼻下象服其砂復吐出方可餌此乃太陽之精凝結已三萬年今以奉借思孝是念無致其咎又出金象曰此是雌者與玉為偶黃皇一一驗之無差服之顏色愈少鬚髮如漆乃求採殊異凡數百人其後南遷職鬼門關

達道士怒索二象曰不誌吾言固當如此公偶拜下予至鱷魚潭風雨晦冥玉象自船飛去光焰燭天金象從而入水公至朱崖惜恨而卒乃知象者南方大獸勾漏者朱崖之寶羅浮者海濱之山李終南者贊皇不及也

李德裕也宣宗大中二年春德裕任潮州司馬秋九月為崖州司戶而卒其道士竟莫知是何仙人

柳條青

唐宣宗大中末有異人號柳條青一日暴卒既葬其冢上見有紫氣發視之棺中惟有一

青杖耳

李浩

李浩字太素不知何許人也隱青城山牡丹坪嘗與潘朱先生同游份注爾來善陸靈詞作大丹詩百首行于世其後不知所終人或

傳舉家仙去其詩有云混沌未分我獨存包舍四象立乾坤還丹須向此中覓得此方為至妙門黃石烹金煉太元神仙不肯等閑傳人能認得無中理奪盡乾坤造化權百首荒辭義亦深因傳同道決疑心華池本是真神

水神水元來是白金又將白金為鼎器鼎成潛伏永來侵汞入金鼎終年盡產出靈砂似太陰

張辭

唐懿宗咸通初進士張辭不第後多遊江淮有道術養氣絕粒有詩曰爭奈一金烏頭上飛不住紅爐謾燒藥玉顏安可駐今年花發或召飲合意則剪紙蛺蝶二三枚以氣吹之成列而飛後至江南上界去留詩云張辭張辭自不會天下經書在腹內身即騰騰處世問心即飄飄出天外

李老

李老世業醫善鼓琴自言得秘康之妙因醉誤墜枯井中行至洞門題曰玄都洞見一道

士便鼓琴奏廣陵散操道士曰爾所製也叔夜即爾前身命酌石髓飲之又抽架上素書展視乃療治三十六種風白九子方道士曰將歸配合編療世人功滿此來令李閉目乃在青州北門外到家妻子已除服矣乃唐僖宗乾符三年也遂合藥治病無不痊愈後數年不喜食乃斷穀因訪枯井一旦不歸疑得路而仙去矣

陳允升

陳允升者入龍虎山唐哀帝天祐中人見於麻姑山計去家七十年矣顏貌如初刺史迎置郡中夜坐嘗曰豐城橋羨願思之允升少頃攜數言枚至時人謂之仙矣

許鶴

許鶴真人唐末遊南嶽招仙觀壁上留歌一首云洪爐烹煨人性命器用不同分皆定效精鬼魅闖神通只自千邪不干正黃口小兒初學行誰知日月東西生還為萬靈成聖力移月在南日在北玉是玉時石是石蘊葉深泥終不識鄧通餓死嚴陵貧帝玉豈是無人

力文夫未達莫相親攀龍附鳳損精神題後數日上昇矣

橘叟

叟巴邛人不知姓家有橘園霜後諸橘盡收餘二大橘如若四斗益巴人即令攀摘輕重亦如常橘割開每橘有二叟髮鬚眉皓然肌體紅明皆相對象戲身長尺餘談笑自若與其決賭訖一叟曰君輸與我海龍神第七女髮十兩智 黃十二枝紫錦被一幅絳臺山霞寶散二劑一叟曰爾輸我瀛洲玉塵九斛阿母療髓凝酒四鍾阿母女熊盈 子濟虛龍編機八綱後曰於先生青城草堂還我爾有一叟曰王先生許來竟待不得橘中之樂不減商山但不得深根固蒂於橘中爾一叟曰僕饑虛矣須龍根脯食之於袖中抽出一草根方圓徑寸形狀宛轉如龍毫厘間悉因削食之隨削復滿食訖以水嘆之化為一龍四人乘之足下泄雲起須臾風雨晦冥不知所

道左老人

老人司馬裴流從伯自洛中往鄭州中路下馬覺道左人以其聲因搜蒿萊尋之荆叢下見一病鶴垂翅俛味翅關天若壞無毛且異其聲忽有老人白衣曳杖數十步而至問曰郎君年少豈解表此鶴耶若得人血以塗則能飛矣裴素知道性甚高逸遠曰某請利此臂血不難老人曰君此心且動然須三世是人其血方中郎君前生非人唯洛中葫蘆生三世人矣郎君此行非有急切可能至洛中千葫蘆生下裴欣然而往未信宿至洛訪葫蘆生具陳其事且曰葫蘆生無難開撲取一石合大若兩指接針刺臂滴血果得其合授裴曰無多言也及至鶴處老人已至喜曰固可信士乃令盡其血塗鶴言與之結緣邀裴曰我所居去此不遠可少留也裴覺非常人以丈人呼之因隨數里行至一莊竹落草舍庭廡狼籍裴渴甚求茗老人指一土甕曰此中有少漿可就取裴視甕中有杏核一扇如笠滿中取漿色正白乃力舉之飲不復飢渴味如杏酪裴知隱仙拜請為僕老人曰君

有世間微祿縱任亦不終其志賢者果有所得吾久與之遊君自不知今有一信憑君必遠因將一襖大如椀戒無竊開復引裴視鶴所損處毛已生復謂裴曰君向欲吞漿當哭九族親戚且以犯酒色為戒後遂洛中路問其附信將發樸四角各有赤蛇出頭乃見其叔得信開之有物如乾大麥飯升餘叔後遊王屋山不知所終裴壽至九十七

終南山翁

陳季卿者江南人舉進士至長安十年不歸一日於青龍寺謁僧不遇憇於火閣有終南山翁亦候僧偶坐久之壁上有一畫瀛圖季卿尋江南路太息曰得此歸不悔無成翁對曰何難折塔前竹葉置圖上渭水中謂陳曰注目於此即到矣季卿熱視即渭水波濤洶湧一舟甚大恍然登舟進棹極速行次禪窟寺題詩云霜鶴鳴時夕風急亂鶴又向寒林集此時鞍棹悲且吟獨對蓮華一峯立明日次潼關又題詩末句云已作羞歸計猶勝羞不歸旬餘至家兄弟妻子迎見甚喜信宿謂妻

曰我試期已逼不可久留乃復進棹作詩別妻云酒至添愁飲詩成和淚吟乃飄然而去家人輩皆驚異之倏忽復至渭水徑趨青龍寺山翁尚擁褐而坐僧猶未歸季卿謝曰豈非夢耶翁曰他日自知之經月家人來訪具述其事所題詩皆在

段毅

段毅舉進士後忽如狂市中謳吟云一間茅屋尚自修治任狂風吹連簷破碎料拱料敬看着倒也牆壁作散土一堆主人翁永不來歸後病死及葬發視但空棺耳

鹿人

唐州有人獵於深山射中一鹿視之乃人也呼獵者曰我隋初隱此山今日合死於子之手但置我於石間獵者諾之遂絕而絕獵人旬日再往即亡其尸矣

劉棟

劉棟淄州人有道之士也布裘緇巾詐為愚情無知之狀養母甚孝所居臨池一旦忽扶其母登山是夕大水平地丈餘人始疑而異

之其後去城數里作窟室以居別築小室以居其母朝暮惟出視母寢食訖復還窟室默坐如是十餘年士大夫欲見者入窟室中相對不交一談問亦不對但云速修速修而已母卒營葬訖一旦覆空棄去不知所在

白衣人

江陵李副使因落第至華陰見白衣人曰要知向後事否乃書之分為三封曰急難則開後五六舉落第貧甚曰仙兄書可開也焚香啓之書曰可於青州院前坐副使遂往少頃見主僧曰松滋李長官識否即君酷似其貌李曰某先人也僧曰昔年賢先人有錢二千貫在此院如負在心今付即君子無事矣遂戴錢而歸數年不第曰此一生事第二書可啓也書云某年月日可西市按轡行坐至日遂往樓下有人云主司侍郎要錢千緡與致及第李即上樓見之面暈的約明年果及第後官至殿職副使一日患心痛頗甚遂啓第三封曰某年某月某日江陵副使患心痛可處置家事後兩日而卒

房州工人

房州竹山縣陰隱客家浚井千餘尺無水工人捫壁別一天地日月世界署牌曰天柱山門內兩童皓齒翼髮跣足未冠問汝胡為至此工人具陳本末須臾有緋衣傳勅曰以禮遣之引泉洗浴白泉漱飲甘美似醉行旱日有一國其宮室皆金玉城樓題云梯仙國工人詢曰此國何如是對曰諸初得仙者關送此國修行七十萬日然後至諸天遊玉京蓬萊崑崙姑射遂上山尋路門人曰汝來此頃刻之間已十數年却出舊穴應不可得當奏請通天關鑰匙與卿歸引上天門須臾雲間已在房州詢陰家云已三四年矣工人自後不食五穀莫知所在

江叟

江叟善吹長笛能作龍吟後適閩鄉玉盤豆館道傍大槐樹下寢夜見一人數丈曰將謂槐畔鉏虜乃是甕邊車卓又指槐曰荆山館中二郎來看大兄便聞槐上有人下來候至凌晨到荆山館中見庭槐十圍疑附神物乃

曰某好道不違師樹神有靈乞與指教神曰但入荆山求鮑仙師必獲度世叟入山果遇仙師令叟吹笛一氣清虛五音激越驅泉迸出引鴈行低槁葉辭柯輕雲出岫仙師曰子之藝至矣但所吹者竹笛今贈子美玉笛吹三年可致洞中龍必獲水丹吞之使為水仙無煩吾藥蓋子有琴高之相爾叟後三年岳陽寺樓吹之果有龍化為人持丹而來叟受餌之遂變童顏入水不濡乃成水仙

洪志

道士姓洪名志不知何許人也少博學通經兼明星緯醫藥之書能極其妙然未知名或勉之趨樞門以假借者答曰良金美玉不知以貴賈之竟不往既而以身世夢幻非堅牢物乃出家為道士遂隱廬山常乘青牛往來人謂青牛道士居山草衣木食勤行苦志久之忽遇異人與處授以秘方自是能明六甲役使鬼神變化萬端不可勝紀一日遂及故里手攜一小籃小人不知其有道也或要之飲盡盤盤殮志遂於籃內取脯炙棗栗之物

以供坐人盡輒飽取人皆厭殮莫不驚而問之志笑而不答及宿旅舍時天寒人見其單服又無他余稱衣物之類乃於戶窺窺其所為見其於小籃內取枕褥覆卧物皆足暨復攜而出於是人知其有道矣皆曰洪郎非若我輩皆尊異之後丹成仙去人名其處曰青牛谷壇場猶存焉

桑俱鳳

白鹿洞隱者姓桑名俱鳳不知何許人也自稱進士聞其性器不近人情嘗寄閩州紫極宮一日買豬腸充饌就醋鑄汲水洗滌道士怪之不借其鑄釜乃生散之時冬夜齋堂唯施一榻四面隙隙風霜切骨俱鳳乃脫布衫於架上裸靈酣寢眾人大駭次至諸宮謁南平王一足草履一隻麻鞋自號野人或問左傳藻緋鞞鞞是何等物答曰以素安盤揮而食之言論他皆倣此後到江夏依前狂率節度使簡俾虞候梳之出界至星子潭邊躡身騰空而去荆州客將奉使武昌備見告報自後又多在比地每參謁題榜云廬山白鹿

洞卿貢進士桑悝風人多戲之竟莫知其所止云

### 司馬郊

道士司馬郊一名疑正一名守中不知何許人也常遊江上披冠褐屨長而行日可千里衣服不改而常新所為猶撞竟無敢近之者能詐死以至青腫臃腐俄而復活嘗止於池州開元觀自宣之歎時有道士邵脩然亦往歎至城中約之與同行脩然避之先往至一鎮戍方息於進林而郊先至脩然隱身潛窺之見郊入別店中召主人與飲酒旋即辱之主人初敬謝不得已而擊之既而互相毆擊郊忽踏於地視之已死體冷色變一市聚觀乃集鄉里縛其主人檢身責詞將送於州時已向夕微明且乃行至夜半後聞店中諠然曰已失司馬矣人方悟郊詐死乃釋主人脩然明日乃行至前百餘里詰問人曰司馬專師何時過去曰今早已過矣明日復行百里問之曰昨早已過及到數問之亦然每往來江上諸州至一旅舍安泊久之將去告其主

人曰我所有竹器不能將行取火焚之主人阻曰風高且竹屋低隘不可舉火郊不已衆共勸之郊怒乃發火於室中持一大杖立於門側敢至者擊之郊有力皆莫敢前俄而火盛燄出於竹凡之隙衆惶駭既而火滅郊竹器皆盡所臥床皆熏灼而薦席無焦者有朱翔為池州法曹郊過詣之謂朱曰君色惡當病我即去君病中能呼我本名當有所應翔不之信後十餘日果然病熱甚重忽憶郊之言意甚神之因稽首思念善祐初朱有病惡見人在床前有小吏陳某者指使如意令入室侍疾亦叱去家人于之外戶無得入者至是朱恍惚見陳某持一甌藥進朱飲之便覺意爽體佳呼家人曰適陳某所持藥甚效當再將來服家人驚曰此不令入室陳某安得至此朱乃悟郊之垂祐也自是朱病漸愈郊嘗居欽州某觀病痼困甚衆擬欲白官司先以意問郊郊怒曰吾疾方愈何勞若此為而甚驚主觀不釋已乃口白縣令使人候之郊曰長者何故知吾病也來者以告郊郊

怒忽起結束徑入山中步行如飛後十餘日持一大杖來主觀將杖之觀道士共拜求杖乃免又至洪州市中探買鮮食小兒呼曰道士突鮮郊怒以物擊小兒中額流血巡人執郊送於虞候虞候乃聞其名方善勸說之郊乃極口怒罵虞候虞候忿杖之數十郊謂人曰彼杖我十五可得十五日活杖我十十日活矣未幾果然自是入廬山居簡寂觀無日不游覽雖深山峻嶺人跡所不可到者等閑一造如平地後醉卧數日弗起臨終置一杖於棺中及葬覺棺空發之惟杖在焉

歷世真仙體道通鑑卷之四十四